



“SARAJEVOPUTEVI” D.D. SARAJEVO  
MUSTAJBEGA FADILPAŠIĆA BR. 17  
71000 SARAJEVO

Tel: +387 (0) 33 667 499  
Fax: +387 (0) 33 667 500  
E-mail: info@saputevi.ba  
www.saputevi.ba

Broj: 6024 /23  
Sarajevo: 13.12.2023. godine

Na osnovu člana 100. stav (3) Zakona o javnim nabavkama („Službeni glasnik BiH“, broj 39/14, 59/22), Društvo rješavajući po žalbi ponuđača DRR AUTO d.o.o., Kralja Tomislava 56, 71250 Kiseljak, zastupan po punomoćniku dr.Ostoji Kremenoviću, advokat iz Banja Luke, Petra mećave 21 u postupku nabavke robe Nabavka korištene opreme za zimsko održavanje puteva – LOT 2 – Noževi za čišćenje snijega, na prijedlog Komisije za javne nabavke, Direktorica Društva, donosi

### **RJEŠENJE O USVAJANJU ŽALBE I IZBORU PONUĐAČA U POSTUPKU NABAVKE ROBE**

#### **Član 1.**

Žalba ponuđača DRR AUTO d.o.o., Kralja Tomislava 56, 71250 Kiseljak od 08.12.2023. godine izjavljena na Odluku o izboru najpovoljnijeg drugorangiranog ponuđača u postupku nabavke korištene opreme za zimsko održavanje puteva – LOT 2 – Noževi za čišćenje snijega za potrebe SARAJEVOPUTEVA d.d. Sarajevo (u daljem tekstu: Ugovorni organ), broj: 5759/23 od 28.11.2023.godine, usvaja se u cijelosti.

Stavlja se van snage Odluka o izboru najpovoljnijeg drugorangiranog ponuđača u postupku nabavke roba, broj: 5759/23 od 28.11.2023.godine, kojom je ugovor u postupku nabavke korištene opreme za zimsko održavanje puteva – LOT 2 – Noževi za čišćenje snijega za potrebe Ugovornog organa dodijeljen ponuđaču BETON FRECH d.o.o. Sarajevo.

Usvaja se zahtjev Žalitelja za naknadu troškova sastava žalbe izjavljene po punomoćniku dr.Ostoji Kremenoviću, advokat iz Banja Luke, Petra mećave 21 u ukupnom iznosu od 658,12 KM, sa PDV-om., u roku od 15 dana od dana prijema ovog Rješenja.

#### **Član 2.**

Ugovor za nabavku korištene opreme za zimsko održavanje puteva – LOT 2 – Noževi za čišćenje snijega za potrebe SARAJEVOPUTEVA d.d.Sarajevo dodjeljuje se ponuđaču DRR AUTO d.o.o., Kralja Tomislava 56, 71250 Kiseljak.

Ukupna vrijednost ugovora iz utvrđuje se u iznosu od 69.600,00 KM bez PDV-a, što sa uračunatim PDV-om iznosi 81.432,00 KM

#### **Član 3.**

Nakon sticanja uslova Ugovorni organ će sa izabranim ponuđačem, iz člana 2. ovog Rješenja, zaključiti ugovor o nabavci roba, kojim će regulisati međusobna prava i obaveze.

#### **Član 4.**

Rješenje će biti objavljeno na intemetskoj stranici Ugovornog organa, istovremeno sa upućivanjem iste ponuđačima koji su učestvovali u postupku javne nabavke, u skladu sa odredbama člana 70. stav (6) i člana 71. stav (2) Zakona o javnim nabavkama.



“SARAJEVOPUTEVI” D.D. SARAJEVO  
MUSTAJBEGA FADILPAŠIĆA BR. 17  
71000 SARAJEVO

Tel: +387 (0) 33 667 499  
Fax: +387 (0) 33 667 500  
E-mail: info@saputevi.ba  
www.saputevi.ba

#### Član 5.

Ova Odluka stupa na snagu danom donošenja

### O b r a z l o ž e n j e

Na osnovu Odluke o pokretanju postupka javne nabavke robe, broj: 3918/23 od 30.08.2023.godine kojom se odobrava Nabavka korištene opreme za zimsko održavanje puteva: LOT 2- Noževi za čišćenje snijega i Odluka Direktorice Društva o imenovanju Komisije za javne nabavke, broj: 4529/23 od 26.09.2023.godine, proveden je OTVORENI POSTUPAK 8093-1-1-66-3-143/23 objavljenom dana 30.08.2023. godine.

Slijedom navedenog, Komisija je u okviru svojih nadležnosti i ovlaštenja provela predmetni postupak javne nabavke, u kojem je konstatovano da su u predmetnom postupku javne nabavke pravovremeno pristigle ukupno 3 (tri) ponude.

Na osnovu izvršene analize i ocjene pristiglih ponuda u pogledu kvalifikacijskih i cjenovnih uslova postupka javne nabavke, Komisija je utvrdila da ponuda ponuđača DRR AUTO d.o.o. je prihvatljiva, obzirom da ista ispunjava sve uslove koji su propisani Tenderskom dokumentacijom te da dostavljeni svi dokazi zahtijevani Tenderskom dokumentacijom na propisan način.

Na osnovu provedenog postupka i preporuke Komisije iz zapisnika o pregledu i ocjeni ponuda, Ugovorni organ je donio Odluku o izboru najpovoljnijeg drugorangiranog ponuđača, broj: 5759/23 kojom je ugovor po predmetnom postupku nabavke dodijeljen najpovoljnijem ponuđaču BETON FRECH d.o.o. Sarajevo.

Po prijemu Odluku o izboru najpovoljnijeg drugorangiranog ponuđača DRR AUTO d.o.o. izvršio je uvid u ponudu izabranog ponuđača BETON FRECH d.o.o. Sarajevo. i ponuđača BRAĆA MUJIĆ EXPORT-IMPORT d.o.o., te podnio Žalbu na Odluku o izboru u predmetnom postupku javne nabavke (u daljem tekstu: Žalba), zaprimljena 08.12.2023.godine kod Ugovornog organa.

Po prijemu predmetne Žalbe, Ugovorni organ je konstatovao da su ispunjene zakonske pretpostavke za razmatranje iste, obzirom da je Žalba dopustena, blagovremena i da je izjavljena od ovlaštenog lica u skladu sa članom 100. stav (1), te je Ugovorni organ obavijestio učesnike u postupku o obustavi postupka po Žalbi.

▪ **Žalbeni navodi žalitelja su:**

Podnosilac žalbe, u skladu sa članom 99. i 101. Zakona o javnim nabavkama, izjavljuje žalbu, u dopuštenom roku, protiv Odluke o izboru najpovoljnijeg drugorangiranog ponuđača za nabavku korištene opreme za zimsko održavanje puteva – LOT 2 – Noževi za čišćenje snijega – od Ugovornog organa Sarajevoputevi d.d. Sarajevo broj: 5759/23 od 28.11.2023.godine.

Procijenjena vrijednost javne nabavke je za LOT 2 ( Noževi za čišćenje snijega ) – 69.800,00 KM bez PDV.

Žalba se podnosi zbog pogrešne primjene Zakona o javnim nabavkama, pod zakonskih akata i pravila postupka, a zasniva se na sljedećem žalbenom navodu:



“SARAJEVOPUTEVI” D.D. SARAJEVO  
MUSTAJBEGA FADILPAŠIĆA BR. 17  
71000 SARAJEVO

Tel: +387 (0) 33 667 499  
Fax: +387 (0) 33 667 500  
E-mail: [info@saputevi.ba](mailto:info@saputevi.ba)  
[www.saputevi.ba](http://www.saputevi.ba)

- Žalioc je na osnovu Odluke o izboru najpovoljnijeg drugorangiranog ponuđača izvršio uvid u sve ponude u predmetnom postupku 01.12.2023 i utvrdio da ponude drugoplasiranog BETON FRECH d.o.o. i trećoplasiranog BRAĆA MUJIĆ EXPORT-IMPORT d.o.o. ne odgovaraju traženim tehničkim specifikacijama te se kao takve, na osnovu člana 68. Zakona o javnim nabavkama, trebaju proglasiti kao neprihvatljive.

Radi lakšeg pregleda i ponuđenih tehničkih specifikacija u nastavku dostavljamo tabelarni prikaz.

Tehnička karakteristika	Zahtjev naručioca	BETON FRESH d.o.o.	BRAĆA MUJIĆ EXPORT-IMPORT d.o.o.
Nož	Korišteni noževi za čišćenje snijega	Proizvođač: ZAUGG AG EGGIWIL, SCHMIDT, SCHMIDT  Tip: G50K-550-ROAD, MF93IDHR188993- 0,MF93IDHR188993	Proizvođač: ZAUGG AG EGGIWIL, SCHMIDT, SCHMIDT  Tip: G50K-550- ROAD, MF93IDHR188993- 0,MF93IDHR188993
Širina	Min 5m	5850cm=58,5m; 5600cm=56m; 5100cm=51m	5850cm=58,5m; 5600cm=56m; 5100cm=51m
Godina proizvodnje	Min 1995.god.	2004.; 2002.; 2003.;	2004.; 2002.; 2003.;
Težina	1400 do 2000 kg	1510 kg; 1775 kg; 1725 kg	1510 kg; 1775 kg; 1725 kg
Pogon noža	Preko hidraulike motora vozila	Pogon svih noževa preko hidraulike motora vozila	Svi noževi imaju pogon preko hidraulike motora

Iz navedene tabele vidljivo je da su ponuđači BETON FRESH i BRAĆA MUJIĆ EXPORT – IMPORT nudili identične proizvode sa identičnim specifikacijama. Zahtjevana širina noža prema zahtjevima naručioca je minimalno 5 m, dok su navedeni ponuđači ponudili noževe širine: 5850 cm, 5600 cm i 5100 cm, odnosno pretvoreno u metre 58,5 m, 56 m i 51 m. Prije svega jasno je da su navedeni ponuđači dostavili pogrešne i netočne informacije, odnosno da takvi noževi se ne proizvode u navedenim dimenzijama. Uvidom u proizvođače i tip noževa vidljivo je da su navedeni ponuđači drugi i treći nož nudio identičan odnosno istog proizvođača i tipa: SCHMIDT MF93IDHR188993-0. Međutim uvidom u ostale podatke koji su ponuđači dostavili za navedena dva noža vidljivo je da su svi ostali podaci drugačiji, odnosno da se ne radi o identičnim noževima. Ukoliko uzmemo u obzir da su noževi istog tipa, onda bi takvi noževi trebali imati istu širinu i težinu, što u ovom slučaju nije tako. Nejasno je za



**“SARAJEVOPUTEVI” D.D. SARAJEVO  
MUSTAJBEGA FADILPAŠIĆA BR. 17  
71000 SARAJEVO**

**Tel: +387 (0) 33 667 499  
Fax: +387 (0) 33 667 500  
E-mail: info@saputevi.ba  
www.saputevi.ba**

nas da li su ponuđači vršili određene prepravke originalnog noža ili su dostavili netočne podatke o ponuđenim noževima, ali navedeno za nas nije ni bitno. Ono što je bitno da se iz navedenih tehničkih specifikacija jasno i nedvomisleno pokazuje da ponuđene karakteristike su netočne, lažne, a ponajviše nerealne.

Na osnovu svega gore navedenog smatramo da je Ugovorni organ pogrešno vrednovao ponude u predmetnom postupku, odnosno da je ponude ponuđača BETON FRESH i BRAĆA MUJIĆ EXPORT IMPORT trebao ocijeniti kao neprihvatljive za Ugovorni organ. U skladu s tim e-aukcija koja je održana u predmetnom postupku se ne bi održala, a za najpovoljniju ponudu izabrana bi bila ponuda žalioca kao jedina tehnički prihvatljiva.

Kao što smo već naveli drugoplasirani i trećoplasirani nudili su identično polovne robe, što pokazuje da su navedene robe u vlasništvu jedne ili druge firme, odnosno da se radi o dogovoru između dva ponuđača u predmetnom postupku. U prilogu navedenom ide i činjenica da uvidom u dostavljene podatke koje su dostavili u svojim ponudama u sklopu Obrasca za ponudu i Uvjerenja o poreznoj registraciji navedena firma posluje na istoj adresi: Džemala Bijedića 212, Ilidža, sa istim kontakt telefonom.

Nejasno nam je da li su navedeni ponuđači svojim zajedničkim pojavljivanjem svjesno željeli ići na maksimalno snižavanje cijena na e-aukciji ili su sa netočnim tehničkim karakteristikama željeli odugovlačiti predmetni postupak i realizaciju istog ukoliko budu kvalificirani kao najpovoljniji ponuđač.

Međutim jasno je da predmetnu nabavku sa ponuđačima BETON FRESH i BRAĆA MUJIĆ EXPORT IMPORT nije moguće realizirati. U tehničkim specifikacijama jasno je definirano da će se izvršiti tehnički prijem u cilju utvrđivanja da li isporučena roba odgovara zahtjevima iz Tehničke specifikacije, te da ukoliko roba ne ispunjava postavljene zahtjeve Naručioca ima pravo da zahtjeva da Dobavljač zamijeni odbijenu robu kako bi se zadovoljili postavljeni zahtjevi.

Robu koju su ponuđači BETON FRESH i BRAĆA MUJIĆ EXPORT IMPORT d.o.o. nudili nije moguće isporučiti, jer je nemoguće zadovoljiti sve tehničke karakteristike koje su ponuđači ponudili u jednom nožu. Ukoliko ponuđači isporuče tip noža koji su nudili, on neće biti naznačene širine odnosno težine. Podaci koji su navedeni u tehničkim karakteristikama nisu srazmjerni jedni sa drugim.

Imajući u vidu prednje, žalilac izjavljuje predmetnu žalbu, te predlaže ugovornom organu da, na osnovu člana 100. ZJN, žalbu usvoji, poništi osporavanu odluku, odbaci ponude ponuđača BETON FRESH i BRAĆA MUJIĆ EXPORT IMPORT d.o.o., i nastavi postupak javne nabavke u skladu sa Zakonom o javnim nabavkama, podzakonskim aktima, tenderskom dokumentacijom i pravilima postupka. U tom slučaju, žalilac zahtjeva od ugovornog organa da žaliocu nadoknadi troškove postupka koji ukupno iznose 658,12 KM (562,00 KM na ime advokatske usluge i 96,12 KM na ime PDV-a) – troškovi zastupanja žalioca od strane advokata prema trafnom broju 2, 11 i 12 Tarife o nagradama i naknadi troškova za rad advokata („sl.glasnik Republike Srpske“ broj 68/05 i 96/19).

Ako ugovorni organ smatra da je žalba meosnovana, dužan je da istu prosljedi predmetnom drugostepenom organu- Kancelariji za razmatranje žalbi Filijala Mostar. Žalilala zahtjeva od drugostepenog organa da žalba usvoji i poništi osporavanu odluku ugovornog organa, iz razloga navedenih u ovoj žalbi, te naloži ugovornom organu da nastavi postupak javne nabavke u skladu sa



**“SARAJEVOPUTEVI” D.D. SARAJEVO  
MUSTAJBEGA FADILPAŠIĆA BR. 17  
71000 SARAJEVO**

**Tel: +387 (0) 33 667 499  
Fax: +387 (0) 33 667 500  
E-mail: info@saputevi.ba  
www.saputevi.ba**

Zakonom o javnim nabavkama, podzakonskim aktima, tenderskom dokumentacijom i pravilima postupka.

Takođe, žalilac zahtjeva od drugostepenog organa da, na osnovu člana 108. Zakona o upravnom postupku, naloži ugovornom organu da žaliocu nadoknadi troškove postupka koji ukupno iznose 658,12 KM (562, KM na ime advokatske usluge i 96,12 KM na ime PDV-a) – troškovi zastupanja žalioca od strane advokata prema trafnom broju 2, 11 i 12 Tarife o nagradama i naknadi trškova za rad advokata („Sl.glasnik Republike Srpske“ broj 68/05 i 96/19), te troškove uplaćene administrativne takse.

*Komisija za provođenje predmetnog postupka nabavke je po prijemu uložene Žalbe izvršila detaljnu analizu navoda iz Žalbe, te u skladu sa članom 100. stav (3) Zakona o javnim nabavkama utvrdila da je žalba u cjelosti osnovana, te predložila donošenje Rješenja o usvajanju žalbe.*

Naime, Komisija za javne nabavke u toku pregleda i ocjene ponuda nije izvršila adekvatnu kvalifikaciju ponuđača, tako što je prihvatila ponudu ponuđača BETON FRESH i BRAĆA MUJIĆ EXPORT IMPORT d.o.o., iako ista nije ispunila sve uslove koji su propisani Tenderskom dokumentacijom, a koji se odnose na Tehničku specifikaciju - Aneks 9, kojom je navedeno da ponuđena roba mora zadovoljavati sve navedeno u Aneksu 9., a na što je žalitelj ukazao u podnesenoj Žalbi.

Tehničkom specifikacijom - Aneks 9., koja je sastavni dio Tenderske dokumentacije u predmetnom postupku javne nabavke zahtijevana je širina noža minimalno 5 m.

U skladu sa navodima Žalbe, te provjerom istih, utvrđeno je da ponuđeni noževi ponuđača BETON FRESH i BRAĆA MUJIĆ EXPORT IMPORT d.o.o. širine: 5850 cm, 5600 cm i 5100 cm, odnosno pretvoreno u metre 58,5 m, 56 m i 51 m, ponuđene karakteristike su netočne, lažne, a ponajviše nerealne i nisu u skladu sa uslovim iz tenderske dokumentacije.

Temeljem naprijed navedenog, Ugovorni organ je ponovnim pregledom i ocjenom navedenih ponuda ocijenio da se ponude ponuđača BETON FRESH i BRAĆA MUJIĆ EXPORT IMPORT d.o.o. odbacuje se kao neprihvatljive, obzirom da ista ne ispunjava sve zahtjeve koji su navedeni u Tehničkoj specifikaciji - Aneks 9. Tenderske dokumentacije.

Dakle, uvidom u priloženu dokumentaciju i provjerom navoda Žalbe ustanovljeno je da ponude ponuđača BETON FRESH i BRAĆA MUJIĆ EXPORT IMPORT d.o.o. ponude ponuđača BETON FRESH i BRAĆA MUJIĆ EXPORT IMPORT d.o.o. neprihvatljive, stoga se stavlja van snage Odluka o izboru najpovoljnijeg drugorangiranog ponuđača u postupku nabavke roba, broj: 5759/23 od 28.11.2023.godine.

Obzirom da je u navedenom postupku javne nabavke ponuda ponuđača DRR AUTO d.o.o. ocijenjena kao prihvatljiva, to se ugovor dodjeljuje navedenom ponuđaču kao jedinom prihvatljivom ponuđaču u ovom postupku javne nabavke.

Usvaja se zahtjev Žalitelja za naknadu troškova sastava žalbe izjavljene po punomoćniku dr.Ostoji Kremenoviću, advokat iz Banja Luke, Petra mećave 21 u ukupnom iznosu od 658,12 KM, sa PDV-om., u roku od 15 dana od dana prijema ovog Rješenja.

Uvažavajući sve navedeno, odlučeno je kao u dispozitivu ove odluke



**“SARAJEVOPUTEVI” D.D. SARAJEVO  
MUSTAJBEGA FADILPAŠIĆA BR. 17  
71000 SARAJEVO**

**Tel: +387 (0) 33 667 499  
Fax: +387 (0) 33 667 500  
E-mail: info@saputevi.ba  
www.saputevi.ba**

### **Pouka o pravnom lijeku**

Žalba se izjavljuje Uredu za razmatranje žalbi putem ugovornog organa u pisanoj formi u 3 (tri) primjerka neposredno, elektronskim putem ili preporučenom poštanskom pošiljkom u roku od 10 (deset) dana od dana prijema ovog Rješenja.

Prijedlog za donošenje Rješenja:

Tea Teskeredžić, dipl. iur.

Melisa Čavčić

Zlatko Sirbubalo



DIREKTOR  


Fazlić Nataša, dipl. pravnik

Dostavljeno:

- Ponuđačima,
- a/a.